

# *Lefoko la Tlhalefo*





**K**a ntlha ya gore seemo sa mmele wa rona se re ama semowa, Rara wa rona wa Legodimo o re neela melao e e dirilweng go tokafatsa botsogo jwa mmele le semowa. Jaaka karolo ya Puseletso ya efangele ya ga Jeso Keresete, Modimo a e senolela go Moporofiti Joseph Smith ka fa re ka tlhokomelang mebele ya rona gore Mowa wa Morena o nne le rona. Tshenolo e e itsewe ele Lefoko la Tlhalefo. Go obamela molao o go a tlhokega gore o kolobediwe mo Kerekeng ya ga Jeso Keresete ya Baitshepi ba Malatsi a Bofelo. Masego a magolo a solofeditswe bao ba supang tumelo ka go obamela molao o.

### *Lefoko la Tlhalefo ke eng?*

Morena o senoletse Lefoko la Tlhalefo go Moporofiti Joseph Smith. Mo tshenolong e re tsibosiwa go ikgapha mo bojalweng, motsoko, le dino tse dibolelo, go raya kofi le tee. Baporofiti ba gompiano ba rutille gore re se dirise di dirisiwa dipe tse di nang le melemo e e seng kafa molaong kgotsa tse di tlhokofatsang le di dirisiwa tse di koafatsang. Lefoko

*Mo katsong ya gago ya mowa le mmele, Morena o go kopa go ikgapha mo:*

- *Bojalwa.*
- *Motsoko.*
- *Kofi le tee.*
- *Melemo e e seng kafa molaong.*
- *Tse dingwe tse di tlhokofatsang kgotsa di dirisiwa tse di koafatsang.*

la Tlhalefo gape le ruta gore re tshwanetse go ja nama ka kelelelo le gore re je mabele, maungo, le digwere.

### *Masego a Lefoko la Tlhalefo*

Go tshegetsa Lefoko la Tlhalefo go tla a tokafatsa boitekanelo jwa gago jwa mmele le semowa. Le ntswa o sale ka fa tlase ga dikgwetlho tsa botsogo, go obamela molao o o tla a go thusa go itekanela mo mmele le tlhaloganyo.

Mo Kgolaganyong e Ntsha Moaposetole Paulo o kaya mmele jaaka tempele: “A ga lo itse gore lo tempele ya Modimo, le gore Mowa wa Modimo o nna mo go lona? Fa motho mongwe a leswafatsa tempele ya Modimo, ene Modimo o tla a mo nyeletsa; gonne tempele ya Modimo e boitshepo, ye tempele lo leng yone” (1 Bakorinta 3:16–17).

Jaaka fa o tshegetsa lefoko la Tlhalefo, bonene, kelo-tlhoko e e tseneletseng, karolo ya semowa ya tlholego e tlaabo e baakanyeditse go amogela kaelo go tswa Modimong. Ithute go reetsa kaelo ya semowa le maikutlo. O tla a tlhagisiwa ka dikotsi e bile o tla a kaelwa ke Mowa o o Boitshepo. Tlhalefo ya gago le kitso di tla a oketsega. O tla a nna le kagiso e kgolo ya tlhaloganyo, go itirisa ka bo wena mo go oketsegileng, le mokgwa o o manontlhotlho mo botshelong le isago.







## *Lefoko la Tlhalefo*

*Tshenolo e, e amogetswe ke Moporofiti Joseph Smith ka 1833, ke tshupegetso go tswa go Rara wa rona wa Legodimo go bana ba Gagwe gompieno. Mo go latelang ke mo go nopotsweng mo tshenolo eo, e e ka bonwang mo Dithuto le Dikgolagano, tsetlana 89:*

*“Lefoko la Tlhalefo, go poelo ya kereke, gape le baitshepi mo Sione . . .*

*“E e neetsweng e le molawana le tsholofetso, e lebagantswe le bokgoni jwa ba ba bokoa le ba ba bokoa mo go botlhe baitshepi. . . .*

*“Bonang, ammaaruri, go buwa Morena go wena: Mo ditla moragong tsa bosula le ditogamaano e e dirang le go nna teng mo dipelong tsa batho ba ba boferefere mo matsatsing a bofelo, Ke lo tsibose, ka go le neela lefoko le la tlhalefo ka tshenolo—*

*“Gore mo go lekanang le fa motho ope a ka nwa mofine kgotsa seno se se nonofileng mo gare ga lona, bonang ga go a siama. . . .*

*“Mme gape, motsoko ga se wa mmele, kante wa mpa, mme ga wa siamela motho. . . .*

*“Mme gape, dino tse di molelo [tee le kofi] ga se tsa mmele kgotsa mpa.*

*“ . . . ditlhatshana tsotlhe tse di siameng Modimo o di tlhometse go molaomotho, popego, le go dirisiwa ke motho. . . .*

*“Ee, nama ya dibatana le ya dinonyane tsa loapi, Nna, Morena, ke di tlhomile go dirisiwa ke motho ka malebogo; le fa gontse jalo di tshwanetse go dirisiwa ka kelelelo. . . .*

*“Mabele otlhe a siame ele dijo tsa motho; jaaka gape leungo la mofine; le le ungwang leungo, gongwe mo mmung kgotsa mo godimo ga mmu. . . .*

*“Mme baitshepi bao ba gakologelwang go tshegetsisa le go dira tse di builweng ba tla a amogela botsogo mo mohubung le moko mo marapong a bone;*

*“Mme ba tla a bona tlhalefo le matlotlo a magolo a kitso, e bong matlotlo a a fitlhilweng;*

*“Mme ba tla a taboga mme ba sa lape, mme ba tla a tsamaya mme ba sa idibale.*

*“Mme Nna, Morena, ke ba neela tsholofetso, gore moengele yo o senyang a fete ka bone, jaaka bana ba Iseraele, mme a sa ba bolae. Amene” (Dithuto le Dikgolagano 89:1, 3–5, 8–10, 12, 16, 18–21).*







## *Go Tlogela di Dirisiwa tse di Tlhokofatsang*

Fa o dirisa motsoko, bojalwa, kofi, tee, melemo e e seng kafa molaong, kgotsa di dirisiwa tse di tlhokofatsang e bile di koafatsa, emisa. O tla a segofadiwa ka mmele le mowa o o itekane-tseng. `Batho bangwe ba tokafatsa mokgwa kgotsa go koafatswa ke di dirisiwa tse di bothata go emisa go di dirisa. Fa o nale le bothata go tlogela di dirisiwa tse di dirang mokgwa tse, kopa Modimo ka thapelo go go thusa go emiseletsa dikakanyo tse tlhokofatsang, ditiro, le dithaelo ka tlhotlheetso e e siameng, e e godisang. Fa o tlatsa botshelo jwa gago ka se se botoka e bile se godisa, go tla a nna le selekanyo se sennye sa se tlhokofatsang e bile se se botoka. Megopolo e e latelang e tla a go thusa:

- Swetsa go tlogela. Rapela le go ikitsa dijo ka tlhomamo gore Morena a go thuse go fenya go ikoafatsa ga gago.
- Ithute Mafoko a a Boitshepo.
- Tshwara ka tlhogo ditselana le go di balolola kgapetsa kgapetsa. Di tla a go tlišetsa thata ya semowa.
- Kopa masego a boperesiti go go thusa go gana thaelo.

*Nna o leka! Fa o dirisa Tefo mo botshe-long jwa gago, Morena o tla a go thusa, le ntswa go tswelela ga gago go le bonyana.*

- Latlha di dirisiwa tse di tlhokofatsang, mme o seka wa tsaya tse dintsi.
- Nopola dinako, mafelo, le diemo tseo reesegile go gataka Lefoko la Tlhalefo. Buwa le batsadi ba gago, mokapelo, baanamisa efangele, le ba bangwe ba di tsala ba ba tshepegang gore o ka fapoga jang dilo tse o di nankotseng. Ka sekai, batla dinako tse fetang tse di sha kgotsa tseo di kgatlhegelang tse mo go tsone o ka se raeleseeng. Reetsa mmimo o o godisang, direla ba bangwe, bala dibuka tse di siameng, kgotsa ikatise fa o raelesega.
- Tsayakarolo mo ditirong tsa Kereke. O tla a golela gaufi le Morena le go nna le nonofo e e oketsegileng go fenya dikeletso tsa gago tsa di dirisiwa tse di tlhokofatsang.
- Tsenelela setlhopha se se lolameng sa thuso kgotsa amogela thuso ya boitsayanape.
- O se le bale gotlhelele gore Morena o tla a go thusa fa o ikaega ka Ene. Fa o tlogela di dirisiwa tse go ka nna bothata tota, e bile batho bangwe ba ka kgojwa ba boela mekgwa ya bogologolo go feta gangwe fela pela fa ba tlogela ka botlalo. Tswelela o leka, mme o se latlhe gotlhelele tsholofelo.

Ka boikokobetso le boikanyego le go bitsa Modimo le ba bangwe go go thusa, o ka fenya go ikoafatsa ka Tefo ya ga Jeso Keresete.

Jaaka fa o tshela Lefoko la Tlhalefo, masego a a solofeditsweng ke Morena e tla a nna a gago.







## ITHUTUNTSHO E E TLALALETSANG

Dipotso tse di latelang le Mafoko a a Boitshepo di tla a go thusa go ithuta thata ka melawana mo bukaneng e. Dintlha tse di kwa tlase le dikaedi mo Mafoko a a Boitshepo a tla a go isa ko ditselaneng tsa tlaaletso le di dirisiwa ka melawana e.

### **Ke eng Ke tshwanetse go nna kelotlhoko ka se se tsenang mo mmeleng wa me?**

Diane 20:1 (Baebele, Kgolagano e e Kgologolo)

1 Bakorinta 3:16–17 (Baebele, Kgolagano e e Ntsha)

1 Bakorinta 6:19–20 (Baebele, Kgolagano e e Ntsha)

Dithuto le Dikgolagano 89 (Baanaimsa efangele kgotsa leloko la Kereke ba ka go thusa go amogela kgatiso ya Dithuto le Dikgolagano. O ka ya gape ko [www.mormon.org](http://www.mormon.org) go e bona ka enthanete.)

“Lefoko la Tlhalefo,” *True to the Faith* (Baanaimsa efangele kgotsa leloko la Kereke ba ka go thusa go amogela kgatiso ya buka e. O ka kgona go e bona gape mo enthaneteng mo [www.mormon.org](http://www.mormon.org).)

### **Ke a fe masego a semowa le a senama a a tlang go tswa mo go obameleng melao ya Modimo ka botsogo jwa me?**

Daniele 1:3–20 (Baebele, Kgolagano e Kgologolo)

### **Morena o ka nonotsha jang fa Ke reelesega?**

Mosaeya 5:2 (Buka ya ga Momone, tsebe 157)

Mosaeya 7:33 (Buka ya ga Momone, tsebe 162)

Alema 13:27–29 (Buka ya ga Momone, tsebe 243)

Esethere 12:27 (Buka ya ga Momone, tsebe 510)

# Ke ka dira eng?

- Tswelela ka go bala *Buka ya ga Momone*.  
Padi e e Akanyeditsweng: \_\_\_\_\_



- Tshela Lefoko la Tlhalefo. Rapelela thuso go tshegetsa molao o. Ipeelee sekgele go tokafatsa botsogo jwa mmele le semowa ka go thibogela di dirisiwa tse di tlhokofatsang mme o tlhomame mo go jeng mo go lolameng le dingwe ditirego tse di itekanetseng.
- Tlala kerekeng Sontaga o.
- Tswelela ka go baakanyetsa kolobetso.  
Letsatsi la kolobetso: \_\_\_\_\_
- Etela [www.mormon.org](http://www.mormon.org) go ithuta thata ka Kereke ya ga Jeso Keresete ya Baitshepi ba Malatsi a Bofelo.
- Tswelela o kopana le baanaimsa efangele go ithuta thata ka fa melaong ya Modimo e ka segofatsang botshelo jwa Gago ka teng.

Bokopano jo bo latelang: \_\_\_\_\_

Maina a baanamisa efangele le nomore ya mogala:

\_\_\_\_\_  
\_\_\_\_\_

KEREKE YA GA  
**JESU KERESETE**  
YA BAITSHEPI  
BA MALATSI A BOFELO

[www.mormon.org](http://www.mormon.org)

**Malebo go Batshwantshi**

Fa pele, 5, 6, 9, 11, 14 ka Craig Diamond.

Tsebe 2, ntiha go tswa *Mokaulengwe Joseph*, ka David Lindsley. © David Lindsley

© 2007 by Intellectual Reserve, Inc. Tetla tsotlhe di belwe. E gatisitse mo USA.

Tetla ya Segkoma: 11/05 Tetla ya go ranola: 11/05. Thanolo ya *The Word of Wisdom*. Tswana. 01201 763

SETSWANA



01201 763